

undique circumducitur homo, quidquid agit natura, ipsi malum videtur? Numquid ad causam morbi emendandam, expellendamque suscitatur, per quod sanitas amissa sæpe restituitur, quod saltem ad illam restituendam semper intendit, morbi nomine est insimulandum?

I I.

MORBUS non male definitur affectus contra naturam corporis viventis functiones manifestè lædens primò & per se. Quidquid igitur functiones per se non lædit, inter morbos non est recensendum: etiam si illud nonnunquam per accidens eveniat. Comparatione rem juvat illustrare. Quemadmodum obsecsi, qui in obsecidentes quâ datâ portâ fulminis instar erumpunt, hostes longo intervallo fugant, opera invadunt, alia dejiciunt, alia igne corrumpunt; tandem cædendo defessi novis, vulnerati intactis occurrentes à multitudine non raro opprimuntur, ut inde non levem suis jacturam inferant; non ideo patriæ hostes sunt dicendi: haud aliter si quas adhibet opes natura ad proffigandos morbos, longo nimis acerboque prælio minuuntur; vel morbi malignitate aut quasi hostium oppressæ numero corruant; ut inde nonnil mali ægrotanti eveniat; nam ideo capitalis criminis sunt arguendæ? Quasi verò victoriam viribus intactis natura semper debeat reportare. Nonne debemus morti nos nostraque? Nonne statutum est omnibus hominibus semel mori? Neque quis putet hæc de nomine tantum rixam moveri. Multa enim inde deducuntur ad medicam praxim maximè necessaria. Enim verò si semel liquidò devictum fuerit febrem non morbum esse sed remedium, hinc sequetur eam non esse antevertendam sed (novum auditu) aliquando provocandam, non imminuendam sed adaugendam, non extinguendam sed conferendam.

I I I.

VIX homo ægritudine aliquâ tentatur, cum statim naturâ febriem exsuscitat. Quid ergo? An malum malo addere? An se ipsam exola cruentas in se manus studet adhibere? Absit. Natura sui conservationi invigilans indefinenter & testè divo Sene optima morborum medicatrix, non ruina inferre, sed opem asserre intendit. Febris ab antiquo *febrnare* id est expurgare; specialissimè à ritibus illis solemnibus februa appellatis quibus domicilia ab umbris erraticis defensorum expurgari somniabant. Cum de febris naturâ non conveniat inter authores, non mirum quòd diversæ à diversis allatæ fuerint illius definitiones. Sed postpositis cæteris hanc genuinam veramque contendimus: febris est conamen naturæ causam morbi aut emendantis aut expellentis. Hæc enim rationi & experientiæ consona est, hæc autoritate, & ipsâ confirmatur analogiâ. Incausum febris causam quæsieris; quærenda potius variorum quos comitatur causa morborum. Huic remedia debentur, huic soli oculatus incumbat medicus. Exulente itaque variæ causæ fictitiæ; accensionis flammulæ cordis; scintillarum per latifundium sanguinis oberrantium; explosionis corpusculorum nitroforum; item nudæ recentiorum fermentationes quas antiquorum putredini substituerant. Præcipuæ morborum causæ ab inflammationibus, obstructionibus, à materiâ viscidâ & glutinosâ in diversis corporis partibus inhærente, veniunt repetendæ. Porrò his corrigendis aut penitus delendis quodnam febre potentius remedium. In febre sanguinis motus calorque ultra gradum naturalem augentur. Motu & calore vivimus. His, quæcunque in microcosmo peraguntur, accepta referri debent. Quamdiu autem nulla functio læsa est, vitæ perennandæ naturalis uterque sufficit; si quæ verò occurrant impedimenta, tum febris motibus secretoriis & excretoriis ultra gradum naturalem adauctis attenuando, incidendo materiam morbificam ad temperationem debitam reducit aut caloris adjuncta præsidio præparatam foras eliminat. Hinc, testè Junckero, febres, si legitime & salutariter decurrant, novum sanitatis vigorem habent successorem. Sed

ritum cadit quodlibet ratiocinium nisi experientiâ rerum magistrâ fulciatur. Hanc igitur consulamus. Sunt qui inactâ morbi causâ, soli debellandâ febrî operam navantes, repetitis ad nativî caloris quasi extinctionem venâ sectionibus, emulsionibus, narcoticis incumbunt. Quid inde? Scopum attingunt. Febrim sedant, vel potius armis naturam exuunt. At sunt novissima infantis ægri pejora prioribus. Hinc enim morborum iliades, hinc lassitudines spontaneæ, inappetentiæ, ad omnia munia tum animi tum corporis ineptitudo: ut de illo conclamatum sit, nisi de se ipsâ aut prudentis medici consilio natura quasi reviviscat. Quantum rectius hic qui nil molitur ineptè! Qui semel aut iterum imperatâ phlebotomiâ ut depletis vasîs velut aperto campo totis viribus natura prælîum inire queat, interim in primis viis, in intimis corporis visceribus causam mali lyncæis oculis investigat ut naturâ minister non oppressor illi ferat suppetias. Aut si sibi soli sufficiat, derelinquat. Sæpe enim paroxysmî initio celebratâ venâ sectione, adaugetur quin immo debaccatur febris; humor peccans attenuatur, inciditur, movetur, subortis hinc sudoribus foras amandatur, solius febris auxilio sanatur ægrotans.

I V.

QUOT malâ febre sanentur hic enarrare verant thesèos præscripti lîmîtes. Pauca tantum exempla ex gravioribus in arte medicâ magistris referre animus est, (a) Quartana sanat epilepsiam; tertiana exhaurit & sistit catarrhum. (b) Si quis ebrius repenti obmutescat, convulsus moritur nisi superveniente febre vocem recipiat. (c) Qui quartanâ laborant convulsionibus, omnino non capiuntur; si verò antea capiantur & subinde quartana succedat, cessant. Cum enim ab humoribus lentis & pituitosis convulsio ut plurimum fiat, cumque horum duplex sit sanatio, coctio scilicet & excretio, utramque paginam adimplet febris. (d) Lippienti viro febre superveniente, lippitudinis exolutio; de quo Burtin. Discussio humore crasso qui oculorum venas replebat, fit lippitudinis curatio. (e) Quibus hypochondrium è dolore laborat, superveniente febre dolor exolvitur incidendo, attenuando, ad temperationem reducendo. (f) Ad generationem puris necessaria est materiæ suppurabilis preparatio; efficitur autem talis à febre... sine febre nihil est suppurabile. (g) In variolis, tanti momenti est febris ut in illâ prævidendâ & rectè dirigendâ totum ferè constet medentis artificium & industria. Cætera quæ in pluribus authoribus ac præsertim in Hippocratis libris multa sunt exempla, prætermittimus. Hisce evictum satis credimus febrim esse naturale remedium. Nec oculato cuivis naturæ indagatori mirum illud videtur. Ubique enim sibi similem reperiet, ubique sibi consentientem, ubique sibi ipse invigilantem. Enim verò si quid ventriculæ pondere gravet, aut acriori stimulo in illum impingat, statim naturâ classicum canit, contrahitur ventriculus, plurimæ partes manus dant auxiliatrices, fit vomitus; quod nocebat ejicitur. Membrana pituitariæ fit irritatio? En adest sternutatio quâ natura liberatur. Si quid furtivo illapso per dicatas aëri vias in tracheam vim exercent, subortâ tussi tam potenter pellitur ut sæpè quâ rectâ viâ ducit, per nares eliminetur. Succurrere pariter oculis lacrymas, intestinis alvi fluxus, omnibus & lippis notum & tonforibus. Porro quis nisi in physiologicis rebus planè hospes hic vomitum, sternutationem, tussim, lacrymas, alvi fluxum morbi nomine inquinerit. Idem febris usus, idem de febre dicendum.

V.

NATURA igitur sulta febris præsidio quamplurimos debellat morbos. Hujus ope quod spissius est attenuatur, viscidius inciditur, immoderatum ad temperationem reducitur, noxium amandatur, sanguinis *luxuria* conciliatur. At dicet aliquis: quotidiè cum successu præscribuntur remedia quæ idcirco febrifuga audiunt quod febrim periciant. Usus quidem nominis invaluit & reverà illi vomitum & cessat febris. At hinc luculenta exoritur nostræ thesèos probatio. Cum autem in-

(a) Hipp.
(b) Id. ap.
6. p. 2.
(c) Id. ap.
42. p. 1. & 2.

(d) Id. Coac
8.

(e) Coac.
210.

(f) Coac.
250.

(g) Hæc.
Præf. p. 1.

* An. 163.

ter illa remedia primas jure teneat cortex peruvianus hunc in mediam proferre liceat. Benignus hic cortex sale suo, quo turget, tam fixo quam volatili, attenuando, incidendo, nonnumquam vacuando agit. Quod * duabus præclaris thesibus in hac solemnî Academiâ propugnatis evictum est. Idem igitur præstat quod febris : est quasi febris succedanea : conjunctis agunt viribus. Quanta etenim utriusque similitudo ! Prodest febri venæ sectio, & Kinakinæ. Purgantibus juvatur febris ; si purgantia pulveri peruviano immiscueris, eâdem fideliâ duos dealbaveris parietes. Si mali fomes & origo in ventriculo delitescat, hoc sine emeticorum auxilio eradicare non valet Kinakina ; nec febris. At rursus illius ope hæc definit. Sanè quidem ; quia hoste debellato reconditis armis natura conquiescit. Sed perget aliquis ; febrim cessare bonum est ; non inficias imus. Indicat enim naturam victricem & materiam morbificam aut emendatam aut expulsam ; nisi id naturæ imbecillitate contingat ; quod pessimum. Tuncque maximè medici auxilio opus est qui res prudentiâ restituat, appropriatis remediis causæ morbi occurrat, & languentem jam ac deficientem naturam refocillet. Absit tamen ut Scyllam fugiens, in Charybdim incidat. Ad nimium enim conamen incitata natura extenuatur : undè funesta sæpe exoriuntur symptomata & auxilium in perniciem cedit. Est modus, sunt certi fines citrà & ultrà quos rectum nequit consistere. Optima febris est quæ & causæ morbi, & naturæ viribus est accommodata. Hæc est quæ tutò & citò materiem morbificam præparat & præparatam expellit.

Ergò febris potius morbi remedium, quàm morbus.

DOMINI DOCTORES DISPUTATURI.

<i>M. Natalis Nicolaus Mal-</i> <i>let.</i>	<i>M. Marinus-Jacobus-Clau-</i> <i>rus Robert.</i>	<i>M. Petrus-Josephus Mac-</i> <i>quer, Regia Scientiarum</i> <i>Academia Socius & Cen-</i> <i>sor Regius.</i>
<i>M. Franciscus-Ludovicus-</i> <i>Thomas d'Ongle,</i>	<i>M. Maximilianus-Josephus</i> <i>Leys.</i>	<i>M. Josephus-Maria Fran-</i> <i>ciscus de la Sone, Regina</i> <i>Medicus primarius, Cen-</i> <i>sor Regius & Regia Scien-</i> <i>tiarum Academia So-</i> <i>cius.</i>
<i>M. Guillelmus Fumée.</i>	<i>M. Guillelmus Berthold.</i>	<i>M. Julianus Buffon, No-</i> <i>sociorum Regiorum in</i> <i>Britannia in pector,</i>

Proponerat Parisiis CAROLUS SALLIN, Grayacus Bisuntinensis ;
Docteur Medicus Mompelienis, nechon Saluberrimæ Facultatis
Parisiensis Baccalaureus, A. R. S. H. 1761.

A SEXTA AD MERIDIEM.